



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-163-5/25**

Datum: **23.07.2025. godine**

Agencija za vodno područje rijeke Save» Sarajevo rješavajući po zahtjevu pravnog lica «ALMY» d.o.o. Zenica za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta objekta autoradionice za održavanje vozila i mašina izgrađenog u naselju Lipice-Vranduk, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «ALMY» d.o.o. Zenica daje se vodna dozvola za ispuštanje tehnoloških otpadnih voda u prirodni recipijent-rijeku Bosnu sa lokaliteta objekta autoradionice za održavanje vozila i mašina izgrađenog u naselju Lipice-Vranduk na zemljištu označenom kao k.č. broj: 3496/8 K.O. Vranduk, grad Zenica.
2. Ova vodna dozvola se odnosi isključivo za ispuštanje tehnoloških otpadnih voda u prirodni recipijent za objekat definisan tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i za ispuštanje sanitarno-fekalnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona ili općina/grad, ukoliko je kantonalnim propisom prenesena nadležnost na općinu/grad, shodno stavu (3) istog člana zakona.
3. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog objekta autoradionice vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se u periodu važenja ovog Rješenja u potpunosti uklone objekti koji čine dio predmetnog objekta autoradionice odnosno poslovnog kompleksa «ALMY» a izgrađeni su na lijevoj obali rijeke Bosne na dijelu parcele k.č. broj: 3489/1 K.O. Vranduk, grad Zenica označene kao javno vodno dobro. Nakon uklanjanja objekata, lijevu obalu rijeke Bosne neophodno je vratiti u prirodno stanje.
 - 3.3. Da se, u skladu sa dostavljenim dinamičkim planom ovjerenim i potpisanim od strane odgovornog lica podnosioca zahtjeva, a koji je sastavni dio ovog Rješenja, do 30.06.2026. godine završe radovi na prikupljanju i tretmanu tehnoloških otpadnih voda te ispuštanju prečišćenih voda u rijeku Bosnu, kako slijedi:

R. broj	Naziv aktivnosti	Finansijska procjena za realizaciju aktivnosti	Rok za realizaciju aktivnosti
1	Procedura odabira izvođača radova	500,00 KM	31.07.2025.
2	Ugovaranje radova	1.000,00 KM	31.07.2025.
3	Procedura upoznavanja izvođača sa trenutnim stanjem na terenu	200,00 KM	30.08.2025.
4	Izvođenje pripremnih radova (iskolčavanje trase, izmještanje instalacija, mašinsko uklanjanje postojećeg asfalta i podloge)	15.000,00 KM	31.10.2025.
5	Zemljani radovi na iskopu rova	5.000,00 KM	30.11.2025.
6	Montaža PVC cijevi, uličnih slivnika, uličnih kanalisa	10.000,00 KM	31.01.2026.

7	Ugradnja postrojenja za tretman tehnoloških otpadnih voda	25.000,00 KM	31.03.2026.
8	Rušenje i uklanjanje postojećih objekata izgrađenih u vodnom dobru	15.000,00 KM	30.04.2026.
9	Geodetski radovi (geodetsko snimanje, izrada projekta izvedenog stanja, izrada geodetskog elaborata)	2.500,00 KM	31.05.2026.
10	Završni radovi na dovođenju lokacije u prvobitno stanje te čišćenje lokacije	1.000,00 KM	30.06.2026.

- 3.4. Da korisnik predmetnog objekta, za vrijeme trajanja ove dozvole, a nakon završetka planiranih radova, obezbjeđuje da se tehnološke otpadne vode sa radnih i manipulativnih površina nesmetano sakupljaju i odvođe do objekta predviđenog za tretman (separator masti i ulja sa koalescentnim filterom), a zatim ovako tretirane vode ispuštaju u rijeku Bosnu.
- 3.5. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet prečišćenih otpadnih voda prije ispusta u recipijent - rijeka Bosna na mjernom mjestu, zadovoljio granične vrijednosti definisane u Prilogu 1. Tabela 1.1. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
- 3.6. Objekte čija je svrha prikupljanje, odvodnja i tretman tehnoloških i onečišćenih oborinskih otpadnih voda nastalih u krugu objekta (postrojenje za tretman otpadnih voda, slivnici, kanalizaciona mreža) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu održavanja radova neophodno je voditi službenu evidenciju i arhivu.
- 3.7. U toku izvođenja radova na predmetnom lokalitetu neophodno je osigurati stručni nadzor nad izvođenjem istih te poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
- 3.8. Materijal iskopan u toku izvođenja radova na izgradnji postrojenja za tretman otpadnih voda, revizionog okna i polaganju cjevovoda, građevinski i ostali otpad nastao pri rušenju i uklanjanju objekata u sklopu predmetne autoradionice izgrađenihna dijelu parcele označene kao broj: 3489/1 K.O. Vranduk (vodno dobro) kao i ostali opasni i neopasni otpad, talog iz postrojenja za tretman otpadnih voda se ne smiju ni privremeno odlagati na česticu «vodno dobro», odnosno u vodotoke i na njegove obale.
- 3.9. Čišćenje i održavanje postrojenja za tretman otpadnih voda, te skladištenje i zbrinjavanje sadržaja (taloga) iz postrojenja može vršiti isključivo firma ovlaštena za tu vrstu djelatnosti, prema posebnom ugovoru. O načinu i vremenu pražnjenja, odvoza i zbrinjavanja sadržaja iz postrojenja za tretman otpadnih voda kao i preuzimanje drugog otpada neophodno je voditi službenu evidenciju i arhivu.
- 3.10. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog opasnog i neopasnog otpada sa kompletnog kruga objekta (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode), isti propisno skladišti do njegovog konačnog zbrinjavanja od strane ovlaštene organizacije.
- 3.11. Korisnik predmetnog objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz oba okna za monitoring prije ispusta u recipijent – rijeka Bosna u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj broj 14/10, 14/13, 26/14, 23/17 i 41/20).

- 3.12. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, Korisnik je dužan provoditi sve mjere i aktivnosti propisane istom.
 6. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet podzemnih i površinskih voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
 10. U ovoj upravnoj stvari plaćene su sve upravne takse.
 11. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja 30.06.2026. godine, uz uslov da se aktivnosti obuhvaćene tačkom 3. dispozitiva rješenja u cjelosti poštuju.
 12. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
 13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «ALMY» d.o.o. Zenica, dana 18.04.2025. godine, podnijelo je zahtjev za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta objekta autoradionice za održavanje vozila i mašina izgrađenog u naselju Lipice-Vranduk.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-25-000655 izdatog dana 04.03.2025. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 12.01.2011. godine od strane Porezne uprave – Kantonalni ured Zenica,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza broj: 04/1-UPJR/1-4329-2/09 izdatog dana 22.09.2009. godine od strane Uprave za indirektno-neizravno oporezivanje Banja Luka,
- Kopija Rješenja o upotrebi izgrađenih objekata broj: 14-361-10-2/98 izdatog dana 08.10.1998. godine od strane Ministarstva za urbanizam, prostorno uređenje i zaštitu okolice Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-033-8/19 izdatog dana 22.07.2019. godine od strane «Agencije za vodno područje rijeke Save» Sarajevo,
- Glavni projekat prikupljanja i tretmana oborinskih i zauljenih voda sa lokacije poslovnog objekta Radionica i kanal za održavanje vozila u naselju Lipice-Vranduk, općina Zenica, urađen od strane «ES HYDROTECNICS» d.o.o. Sarajevo, april 2012. godine (na uvid),
- Kopija Ugovora broj: 478/25 o čišćenju separatora ulja i masti i odvozu otpadnog mulja i taloga zaključenog dana 10.03.2025. godine između «ALMY» d.o.o. Zenica i «DELTA PETROL» d.o.o. Kakanj,

- Kopija Izvještaja broj: 248/25 o monitoringu kvaliteta i kvantiteta otpadnih voda urađen od strane «Inspekt-RGH» d.o.o. Sarajevo, februar 2025. godine,
- Kopija Zapisnika o inspekcijskom nadzoru broj: UP1-14-21-2-00032/2025-1407-P-1407-1-P urađenog od strane Federalnog vodnog inspektora dana 27.02.2025. godine,
- Detaljan dinamički plan sa aktivnostima, finansijskom procjenom i rokovima realizacije za 2025. i 2026. godinu za izgradnji sistema za prikupljanje, tretman i ispuštanje tehnoloških otpadnih voda potpisan i ovjeren dana 16.07.2025. godine od strane odgovornog lica podnosioca zahtjeva «ALMY» d.o.o. Zenica,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog objekta u naselju Lipice-Vranduk, grad Zenica te je sačinjen zapisnik o izvršenom uviđaju broj: UP-1/21-3-40-163-3/25 od 22.05.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni objekat autoradionice za održavanje vozila i mašina izgrađen je na lijevoj obali rijeke Bosne na zemljištu označenom kao k.č. broj: 3496/8 K.O. Vranduk, grad Zenica u sklopu kompleksa objekata u vlasništvu «ALMY» d.o.o. Zenica u naselju Lipice-Vranduk. U sklopu objekta radionice izgrađeno je nekoliko odvojenih prostora za popravak mašina i vozila, skladište rezervnih dijelova, garaža, kotlovnica, priručni magacin.

Rješenje o upotrebi objekata izdato je za više objekata koji čine izgrađeni kompleks: pogon šljako betonskih elemenata, auto-radionica, hangar skladište, kanal za održavanje vozila, silosi za rastresite materijale, bravarija, stolarija, pogon za proizvodnju betonske galanterije, trafostanica, kancelarije i kuhinja. Snabdijevanje vodom za sanitarne potrebe je obezbijeđeno sa vlastitog vodozahvata/bunara (kapacitet manji od 5l/sec). Sanitarne fekalne vode iz toaleta za uposlene se prikupljaju zasebnom kanalizacionom mrežom i ispuštaju u septičku jamu.

U jednom od prostora radionice izgrađen je stari betonski trokomorni separator ulja i masti u koji se dovode onečišćene vode samo sa dijela platoa. Tehnološke otpadne vode nastale u objektu radionice, na radnom platou i ostalom prostoru za popravak mašina i vozila se bez ikakvog tretmana ispuštaju u rijeku Bosnu.

Na dijelu parcele označene kao k.č. broj: 3489/1 K.O. Vranduk označene kao javno vodno dobro, neposredno uz parcelu označenu kao k.č. broj: 3496/8 K.O. Vranduk na kojoj je locirana predmetna radionica, izgrađeni su dodatni objekti i platoi koji čine dio kompleksa predmetne radionice.

Monitoring otpadnih voda se vrši redovno na mjernom mjestu - preliv iz postojećeg separatora u kome se tretira samo dio onečišćenih voda. Uvidom u dostavljeni Izvještaj o monitoringu urađen od strane «Inspekt-RGH» d.o.o. Sarajevo, februar 2025. godine nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije.

Projektnom dokumentacijom urađenom od strane «ES HYDROTECNICS» d.o.o. Sarajevo, april 2012. godine predviđen je zaseban sistem prikupljanja i tretmana otpadnih voda kojima bi se prikupljene zauljene otpadne vode iz kanala za popravak vozila, sa platoa i parking prostora zajedno sa zauljenim vodom iz radionice odvele na tretman u separator ulja i masti sa koalescentnim filterom. Nakon tretmana u separatoru ulja, prečišćene vode bi se preko okna za monitoring ispuštale u rijeku Bosnu.

Za predmetni objekat Autoradionice je u ranijem postupku dana 22.02.2019. godine od strane ove Agencije doneseno Rješenje o vodnoj dozvoli broj: UP-I/25-3-40-033-8/19 sa rokom važenja do 19.12.2023. godine. Navedeno Rješenje izdato je u skladu sa članom 13. stav (5) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 101/15, 1/16 i 101/18) uz uslov da se realizuju aktivnosti iz tačke 3.2. koji se odnose na uklanjanje objekata izgrađenih na zemljištu označenom kao javno vodno dobro te aktivnosti iz dinamičkog plana obuhvaćene tačkom 3.3. dispozitiva navedenog Rješenja.

Prilikom uviđaja na terenu utvrđeno je da navedeni uslovi nisu ispunjeni tj. nisu završene aktivnosti definisane navedenim tačkama dispozitiva Rješenja u periodu važenja istog.

Od ponosioca zahtjeva je u skladu sa članom 1. stav (1), (3) i (4) Uredbe o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije («Službene novine

Federacije BiH», broj: 26/20, 96/20 i 1/24) dopisom broj: UP-1/21-3-40-163-4/25 od 24.06.2025. godine zatraženo da dostavi detaljan dinamički plan koji treba da sadrži:

Spisak aktivnosti i mjera sa finansijskom procjenom za ulaganje, zadanim rokovima realizacije svake pojedine aktivnosti i konačnim rokom za završetak aktivnosti na izgradnji i puštanju u rad sistema za prikupljanje, tretman i ispuštanje onečišćenih otpadnih voda na obrascu iz Priloga A ove Uredbe, razrađen po godinama i mjesecima sa konačnim rokom realizacije najkasnije do roka 30.06.2026. godine.

Podnosilac zahtjeva je dana 18.07.2025. godine putem pošte dostavio traženi dinamički plan na obrascu iz Priloga A Uredbe. U dinamičkom planu su navedene aktivnosti i rokovi sa finansijskom procjenom za ulaganje na izgradnji i puštanju u rad sistema za prikupljanje, tretman i ispuštanje tehnoloških otpadnih voda na predmetnoj lokaciji za 2025. i 2026. godinu. U isti je uvrštena stavka «*Rušenje i uklanjanje postojećih objekata izgrađenih u vodnom dobru*» što je traženo tačkom 3.2. ranije donesenog Rješenja o vodnoj dozvoli. Dostavljeni Dinamički plan je poslužio za definisanje uslova iz tačke 3.3. ovog Rješenja. Na osnovu uvida u dostavljeni dinamički plan utvrđeno je sljedeće:

- Krajnji rok za realizaciju radova je 30.06.2026. godine.
- Rokovi za realizaciju pojedinih aktivnosti iz dostavljenog dinamičkog plana koji je sastavni dio ovog rješenja su navedeni u tački 3.3. dispozitiva.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog pogona i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka cc) i člana 15. Uredbe o uslovima ispuštanja otpadnih voda u okoliš i sisteme javne kanalizacije. Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Konstatuje se da je podnosilac zahtjeva, «ALMY» d.o.o. Zenica ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta objekta autoradionice za održavanje vozila i mašina izgrađenog u naselju Lipice-Vranduk na zemljištu označenom kao k.č. broj: 3496/8 K.O. Vranduk, grad Zenica, te je riješeno kao u dispozitivu ovog Rješenja.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-163-2/25 od 20.05.2025. godine.

Podnosilac zahtjeva je uplatio upravnu taksu u iznosu od 70 KM U skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- «ALMY» d.o.o. Zenica
ul Vrandučka bb, 72000 Zenica
- AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava

